

БҮРТГЭЛИЙН ГЭРЭЭНИЙ ҮЛГЭРЧИЛСЭН ЗАГВАР

20... оны ... дугаар
сарын-ны өдөр

Дугаар

Улаанбаатар хот

Энэхүү гэрээг нэг талаас "Чингис хаан хөрөнгийн бирж" ХХК (цаашид "Бирж" гэх), түүнийг төлөөлж Гүйцэтгэх захирал М.Батбилэг, нөгөө талаас "....." (цаашид "Үнэт цаас гаргагч", хамтад нь "Талууд" гэх)-ийг төлөөлж, Гүйцэтгэх захирал нар дараах нөхцөлийг харилцан тохиролцож байгуулав.

Нэг. НИЙТЛЭГ ҮНДЭСЛЭЛ

- 1.1. Энэхүү гэрээгээр Үнэт цаас гаргагч Биржид бүртгэлтэй байх хугацаан дахь Бирж болон Үнэт цаас гаргагчийн эдлэх эрх, хүлээх үүрэг, хариуцлагыг тодорхойлно.
- 1.2. Бирж нь бүртгэлтэй үнэт цаас гаргагчийн гаргасан (хувьцааны хувьд нэрлэсэн үнэ, ширхэг, өрийн хэрэгслийн хувьд нэрлэсэн үнэ, хугацаа, хүүгийн хэмжээ, ширхэг) үнэт цаасыг үнэт цаасны бүртгэлд бүртгэнэ.
- 1.3. Үнэт цаас гаргагчийн үнэт цаасыг самбарт арилжаалах бөгөөд өрийн хэрэгслийн хувьд барьцаа/баталгаа нь байна.
- 1.4. Талуудын хооронд үүсэх энэхүү гэрээгээр зохицуулаагүй харилцааг Үнэт цаасны зах зээлийн тухай хууль, Компанийн тухай хууль, холбогдох бусад хууль, тогтоомж, Санхүүгийн зохицуулах хороо (цаашид "Хороо" гэх) болон Биржээс баталсан журам, заавраар зохицуулна.
- 1.5. Гэрээ нь талууд харилцан гарын үсэг зурсан өдрөөс эхлэн хүчин төгөлдөр болж, үнэт цаас гаргагч нь Биржийн бүртгэлээс хасагдсанаар дуусгавар болно.

Хоёр. ҮЙЛЧИЛГЭЭНИЙ ХУРААМЖ

- 2.1. Үнэт цаас гаргагч нь Биржээс баталсан "Бүртгэлийн журам" (цаашид "Бүртгэлийн журам" гэх)-д заасан "Бүртгэлтэй компанид үзүүлэх үйлчилгээний хураамж"-ийг Биржид төлнө.
- 2.2. Бүртгэлийн журамд заасан "Өргөдлийг хүлээн авч хянах үйлчилгээний хураамж"-ийг Биржид хүсэлт гаргахаас өмнө төлсөн байх бөгөөд буцаан олгогдохгүй.
- 2.3. Бүртгэлийн журамд заасан "Үнэт цаасыг бүртгэх үйлчилгээний хураамж"-ийг анхдагч зах зээлийн арилжаа амжилттай явагдсан өдрөөс хойш ажлын 3 хоногийн дотор Биржийн дансанд шилжүүлнэ.
- 2.4. Бүртгэлийн журамд заасан "Жилийн үйлчилгээний хураамж"-ийг тухайн оны нэгдүгээр улиралд багтаан Биржийн дансанд шилжүүлнэ.
- 2.5. Бүртгэлийн журамд заасан "Жилийн үйлчилгээний хураамж"-ийг тооцох компанийн зах зээлийн үнэлгээг тухайн хувьцааны өнгөрсөн оны сүүлийн сарын дундаж ханшаар тооцно.

- 2.6. Үнэт цаас гаргагч нь анх удаа Биржид үнэт цаас бүртгүүлэх тохиолдолд тухайн оны жилийн үйлчилгээний хураамж төлөхөөс чөлөөлөгдөнө.
- 2.7. Үнэт цаас гаргагч нь бүртгэлээс хасагдах тохиолдолд тухайн жилийн бүртгэлтэй байх хоногт хувь тэнцүүлэн жилийн үйлчилгээний хураамжийг төлж болно.
- 2.8. Үнэт цаасны арилжааг зогсоосон нь жилийн үйлчилгээний хураамж төлөхгүй байх үндэслэл болохгүй.

Гурав. БИРЖИЙН ЭРХ, ҮҮРЭГ

- 3.1. Бирж нь тус байгууллагаас баталсан "Бүртгэлийн журам"-д заасан эрх эдэлж, үүрэг хүлээнэ.

Дөрөв. ҮНЭТ ЦААС ГАРГАГЧИЙН ЭРХ, ҮҮРЭГ

- 4.1. Үнэт цаас гаргагч нь дараах эрх эдэлнэ. Үүнд:
 - 4.1.1. Үнэт цаас гаргагч нь үнэт цаасны бүртгэлд өөрчлөлт оруулах, хувьцаа эзэмшигчдийн ээлжит болон ээлжит бус хурал хуралдуулах, үнэт цаасны зах зээлд үйл ажиллагаа явуулахтай холбоотой асуудлаар Биржээс заавар, зөвлөмж авах;
 - 4.1.2. Холбогдох дүрэм, журамд заасан нөхцөлийг хангасан тохиолдолд үнэт цаасны бүртгэл, арилжаатай холбогдох мэдээлэл, судалгааг авах;
 - 4.1.3. Үнэт цаасны бүртгэлийн үйл ажиллагаатай холбоотой асуудлаар Биржид санал хүсэлт гаргах;
 - 4.1.4. Үнэт цаас гаргагчтай холбоотой Биржээс гаргасан шийдвэрийн талаар аливаа гомдлоо Хороонд гаргах;
- 4.2. Үнэт цаас гаргагч нь дараах үүрэг хүлээнэ. Үүнд:
 - 4.2.1. Үнэт цаас гаргагч нь Үнэт цаасны зах зээлийн тухай хууль, Биржээс баталсан Бүртгэлийн журамд заасан үүргийг бүртгэлтэй байх хугацаандаа биелүүлж ажиллах;
 - 4.2.2. Үнэт цаас гаргагч нь өрийн хэрэгсэл гаргасан тохиолдолд үндсэн болон хүүгийн төлбөрийг Бирж болон төлбөр тооцооны үйл ажиллагаа эрхлэх эрх бүхий этгээдээс тогтоосон цаг хугацаанд төлөх;
 - 4.2.3. Үнэт цаас гаргагч нь Үнэт цаасны зах зээлийн тухай хууль, Компанийн тухай хууль, Хороо, Биржийн журам, заавруудыг дагаж мөрдөх, хууль, журмын хүрээнд Биржээс тавьсан шаардлагыг биелүүлж ажиллах;
 - 4.2.4. Бирж, түүний үнэт цаасны бүртгэл болон хяналт хариуцсан ажилтнаас тавьсан шаардлагыг биелүүлэх, мэдээ, судалгаа, тайлбар, тодруулгыг гаргаж өгөх, үнэт цаас худалдах замаар хуримтлуулсан хөрөнгийн зарцуулалттай холбоотой асуудлын хүрээнд шалгуулах;
 - 4.2.5. Өөрийн хувьцаа эзэмшигч, хөрөнгө оруулагчдад шударга, тэгш хандах;
 - 4.2.6. Дотоодод болон олон улсад хүлээн зөвшөөрөгдсөн компанийн засаглалын зарчмыг дагаж мөрддөг байх, хэрэв мөрддөггүй бол энэ тухай тайлбар гаргаж Биржид мэдэгдэх ба олон нийтэд мэдээлэх;

- 4.2.7. Бүртгэлтэй байх хугацаанд Биржийн Бүртгэлийн журамд заасан үнэт цаас бүртгэгдсэн тухайн самбарын шалгуурыг хангаж ажиллах;
- 4.2.8. Үнэт цаас гаргагч нь гэрээний 2 дугаар зүйлд заасан хураамжийг тогтоосон хугацаанд төлөх;
- 4.2.9. Үнэт цаас гаргагч нь үнэт цаасны зах зээл дээр мөрдөгдөж буй хууль, дүрэм, журам, заавар, гэрээний үүргийн биелэлттэй холбогдуулан Биржээс тавьсан шаардлагыг биелүүлж хариу мэдэгдэх;
- 4.2.10. Биржээс тавьсан хууль ёсны шаардлагыг хүлээн зөвшөөрөхгүй тохиолдолд энэ тухай шалтгаан бүхий тайлбарыг Биржид нэн даруй бичгээр хүргүүлэх;
- 4.2.11. Гэрээний 4.2.10-д заасны дагуу тайлбар ирүүлээгүй нөхцөлд шаардлагыг хүлээн зөвшөөрсөнд тооцно.
- 4.2.12. Үнэт цаас гаргагч нь хөрөнгө оруулагчдад болон Биржид мэдээлэл хүргэх талаар дараах үүрэг хүлээнэ. Үүнд:
- 4.2.12.1. Үнэт цаасны зах зээлийн тухай хууль, Компанийн тухай хууль болон бусад холбогдох хууль, журмын дагуу хөрөнгө оруулагчдад хүргэхээр заасан мэдээллийг тогтоосон хугацаанд гаргаж, олон нийтийн мэдээллийн хэрэгслээр мэдээлэх ба Биржид мэдэгдэх;
- 4.2.12.2. Хороо болон Биржээс баталсан журмын дагуу бүртгэлтэй компаниудаас цахим хэлбэрээр ирүүлэх мэдээллийг заасан хугацаанд цахим хэлбэрээр болон хэвлэлээр Биржид хүргүүлэх;
- 4.2.12.3. Үнэт цаасны зах зээлийн тухай хуулийн тавдугаар бүлэгт тусгасан анхдагч болон хоёрдогч зах зээлийн мэдээллийг Хороо, Биржид бичгээр болон цахим хэлбэрээр хүргэх, өөрийн цахим хуудсаар дамжуулан олон нийтэд мэдээлэх;
- 4.2.12.4. Үнэт цаасны зах зээлийн тухай хуулийн дагуу үнэт цаасны үнэ ханшид нөлөөлж болох, үнэт цаасны арилжаанд оролцоход давуу тал олгох нийтэд тараагдаагүй мэдээллийг хөрөнгө оруулагч бусад этгээдэд нэгэн зэрэг, тэгш хүргэх;
- 4.2.12.5. Үнэт цаасны ханшид нөлөөлөх аливаа мэдээллийг дараа өдрийн арилжаанаас өмнө олон нийтэд мэдээлж, энэ тухай Биржид мэдэгдэх;
- 4.2.12.6. Олон нийтээс татсан хөрөнгөөр санхүүжүүлэх төслийг бүрэн хэрэгжүүлэх хүртэл хугацаанд түүнийг хэрэгжүүлэхэд зориулж татан төвлөрүүлсэн хөрөнгийн зарцуулалт, төслийн гүйцэтгэлийн тайланг хагас жил тутамд гаргаж, дараа сарын 15-ны дотор Биржид ирүүлэх;

Тав. ХАРИУЦЛАГА

- 5.1. Үнэт цаас гаргагч нь энэхүү гэрээнд заасан үүргээ биелүүлээгүй тохиолдолд Биржийн зүгээс хууль тогтоомж, дүрэм, журмын хүрээнд олгогдсон эрх хэмжээний дагуу арга хэмжээ авна.
- 5.2. Мэдээллийн үнэн зөвийг мэдээлэл гаргагч талууд хариуцна.

- 5.3. Энэхүү гэрээнд заасан үйлчилгээний хураамжийг заасан хугацаанд төлөөгүй тохиолдолд гүйцэтгээгүй үүргийн үнийн дүнгийн 0.5 хувьтай тэнцэх алдангийг тухайн үүргийг зохих ёсоор гүйцэтгэх хүртэл хоног тутамд Биржид төлнө.
- 5.4. Үнэт цаас гаргагчийн буруутай үйл ажиллагаанаас шалтгаалан үнэт цаасны арилжааг зогсоох болон бусад арга хэмжээтэй холбогдон хувьцаа эзэмшигч, бусад этгээдэд учирсан хохирлыг Бирж хариуцахгүй.
- 5.5. Үнэт цаасны танилцуулга, холбогдох баримт бичигт худал, хуурамч, дутуу, төөрөгдүүлсэн, зөрүүтэй, алдаатай мэдээлэл тусгасны улмаас бусдад хохирол учруулсан бол уг хохирлыг буруутай этгээд хариуцна.

Зургаа. БУСАД

- 6.1. Гэрээ гарын үсэг зурж, тэмдэг дарснаар хүчин төгөлдөр болно.
- 6.2. Талуудын хүсэлтээр харилцан тохиролцож гэрээнд өөрчлөлт оруулж болно.
- 6.3. Энэхүү гэрээний зарим заалт нь хуулиар хүчин төгөлдөр бусд тооцогдох бол уг заалтыг оролцуулахгүйгээр гэрээг хүчин төгөлдөр хэвээр үргэлжлүүлэхийг талууд хүлээн зөвшөөрсөн болно.
- 6.4. Талуудын хооронд гарсан маргаантай асуудлыг харилцан зөвшилцөж шийдвэрлэхийг эрмэлзэх бөгөөд зөвшилцөлд хүрч чадахгүй тохиолдолд шүүхээр шийдвэрлүүлнэ.

ГЭРЭЭ БАЙГУУЛСАН:

Биржийг төлөөлж:

"Чингис хаан хөрөнгийн бирж" ХХК-ийн
Гүйцэтгэх захирал

.....

Үнэт цаас гаргагчийг төлөөлж:

"....."-ийн
Гүйцэтгэх захирал

.....